

Na osnovu člana 135 stav (3) tačka d) Zakona o visokom obrazovanju („Službene novine Kantona Sarajevo“, broj: 33/17), člana 104 Statuta Univerziteta u Sarajevu broj: 01-1093-3/18 od 28. 11. 2018. godine, Vijeće Građevinskog fakulteta Univerziteta u Sarajevu na IX redovnoj (elektronskoj) sjednici, održanoj dana 13.07.2020. godine, donio je

Pravilnik o pravu na troškove učešća (kotizacije) na naučnim i stručnim konferencijama, kongresima, seminarima, simpozijumima

Član 1.

(Predmet Pravilnika i definicija pojmova)

- (1) Ovim Pravilnikom se utvrđuje način, uslovi i kriteriji za ostvarivanje prava uposlenika Građevinskog fakulteta Univerziteta u Sarajevu (u daljnjem tekstu Fakultet), na novčani iznos (troškove kotizacije), koji se u unaprijed određenoj visini uplaćuje za sudjelovanje na naučnim i stručnim konferencijama, kongresima, seminarima, simpozijumima i sličnim stručnim skupovima u BiH i u inostranstvu.
- (2) Pravo na troškove učešća (kotizacije) na naučnim i stručnim konferencijama, kongresima, seminarima, simpozijumima i sličnim stručnim skupovima, imaju uposlenici Građevinskog fakulteta Univerziteta u Sarajevu, koji su uposlenici odsjeka i instituta, koji po osnovu stručnih projekata ostvaruju vanbudžetska sredstva, u skladu sa Pravilnikom o postupku ugovaranja, realizacije i naplate projekata Građevinskog fakulteta Univerziteta u Sarajevu 01-01-737-1/18 od 30.05.2018.god. i Pravilnikom o ostvarivanju i raspolaganju vanbudžetskim prihodima Univerziteta u Sarajevu (“Službene novine Kantona Sarajevo“ br. 7/16 i 37/17).

Član 2.

(Izvor sredstava za kotizacije)

- (1) Sredstva za plaćanja kotizacija uposlenicima u nastavi na Fakultetu se obezbjeđuju iz vanbudžetskih sredstava koja izdvajaju instituti na Fakultetu za unapređenje rada Fakulteta, a u skladu sa Pravilnikom o postupku ugovaranja, realizacije i naplate projekata Građevinskog fakulteta Univerziteta u Sarajevu 01-01-737-1/18 od 30.05.2018.god. i Pravilnikom o ostvarivanju i raspolaganju vanbudžetskim prihodima Univerziteta u Sarajevu (“Službene novine Kantona Sarajevo“ br. 7/16 i 37/17).
- (2) Od izdvojenih sredstava za razvoj i unapređenje rada i razvoja Fakulteta, 50 % sredstava se izdvaja za namjene po ovom Pravilniku, a ostalih 50% koristi se za podmirenje ostalih opštih troškova Fakulteta (kancelarijski materijal, kopiranja materijala za nastavu, troškovi interneta i telefona i sl.).
- (3) Odsjeci, odnosno instituti mogu refundirati troškove kotizacija i slične troškove iz vanbudžetskih sredstava koja izdvajaju instituti na Fakultetu za unapređenje rada instituta, a u skladu sa odredbama Pravilnika o postupku ugovaranja, realizacije i naplate projekata Građevinskog fakulteta Univerziteta u Sarajevu 01-01-737-1/18 od 30.05.2018.godine i odredbama Pravilnika o ostvarivanju i raspolaganju vanbudžetskih prihodima Univerziteta u Sarajevu (“Službene novine Kantona Sarajevo“ br. 7/16 i 37/17).

- (4) Na obrazložen prijedlog odsjeka o korištenju vanbudžetskih sredstava koja izdvajaju instituti na Fakultetu za unapređenje rada instituta, za potrebe plaćanja troškova kotizacije u konkretnom slučaju, u skladu sa ovim pravilnikom, konačnu odluku donosi dekan Fakulteta.

Član 3.

(Ostvarivanje prava na troškove kotizacije)

- (1) Pravo na kotizaciju imaju uposlenici u nastavi sa odsjeka, odnosno instituta koju su izdvojili sredstva za Fakultet, odnosno sredstva za institut, o čemu se vodi posebna evidencija u sklopu Službe za računovodstvo i finansije Fakulteta.
- (2) Sredstva za kotizaciju mogu koristiti uposlenici u nastavu isključivo uz saglasnost odsjeka, odnosno instituta koji je izdvojio sredstva po slijedećim mjerilima:
- Redovni i vanredni profesori/docenti do 1.500,00 KM/godini
 - Viši asistenti/asistenti/viši i stručni saradnici do 1.000,00 KM/godini

Član 4.

(Način ostvarivanja prava na troškove kotizacije)

- (1) Uposlenik Fakulteta koji želi koristiti pravo na troškove kotizacije u skladu sa odredbama ovog Pravilnika, uz saglasnost rukovodioca odsjeka podnosi pismenu molbu dekanu Fakulteta.
- (2) Dekan Fakulteta donosi pismeno rješenje o plaćanju troškova kotizacije u skladu sa odredbama ovog Pravilnika.

Član 5.

(Pravdanje troškova kotizacije)

- (1) Uposlenik Fakulteta koji je koristio pravo na troškove kotizaciju u skladu sa odredbama ovog Pravilnika, obavezan je pravdati ista:
- podnošenjem pismenog izvještaja rukovodiocu odsjeka o učešću na predmetnom stručnom skupu,
 - podnošenje svih računovodstveno finansijskih dokumenata Službi za računovodstvo i finansije Fakulteta u svrhu finansijskih knjiženja,
- u roku od 5 dana od dana završetka stručnog ili naučnog skupa za koji su iz sredstava Fakulteta plaćeni troškovi kotizacije.

Član 6.

(Postupak izmjena i dopuna Pravilnika)

- (1) Izmjene i dopune ovog Pravilnika vrše se na način i po postupku za njegovo donošenje.

Član 7.
(Tumačenje Pravilnika)

(1) Tumačenje ovog Pravilnika daje Vijeće Građevinskog fakulteta Univerziteta u Sarajevu.

Član 8.
(Stupanje na snagu)

(1) Ovaj Pravilnik stupa na snagu danom usvajanja od strane Vijeća Građevinskog fakulteta Univerziteta u Sarajevu.

DEKAN

Prof.dr. Samir Dolarević, dipl.ing.grad.



Broj: 02-4-1097-4/20

Datum, 13.07.2020